

Xurree Milkaaâ€™innaa fi Gammachuu-Lakk.9

Description

Sababa dogongora keetin qaanaâ€™uun achitti kufte hin hafin. Namni dogongora tokko malee takkaan milkaaâ€™u akka hin jirre beeki. Ammalle hojjadhu, dogongoruu dandeessa, ammallee hojjadhu kasaaru dandeessa, ammalle hojjadhu wanti yaadde si taâ€™u dhiisu dandaâ€™a. dogongora kanniin yommuu uumtu karaan ati hordofaa jirtu akka si hin baasne sitti akeeka, gara funduraatti karaa kana hordofuu akka hin qabne sitti agarsiisa. Gabaabumatti yaada hin dandaâ€™u jedhuun sammuu kee cufuu dhiisiti wanta si harka jiruun wanta hojjachuu dandeessu dalaguun sammuu fi ija kee banii, jireenya kee haaromsi.

Yommuu badiitti fedhiin kee kakaâ€™u, kaayyoo kee guddaa yaadadhu. Badii hojjachuun kaayyoo guddaa dhiisi kayyoo xiqqaayyu bakka akka hin geenye taasisa. Fakkeenyaaf yeroo dargagummaa kee kanatti fedhii tooâ€™achuu dhiiste yoo baditti jallatte kaayyoo qabatte irraa duubatti mucucaatta. Barataa yunivarsitii yoo taate dafte barnoota kee akka hin xumurre gufuu sitti taâ€™a. Kuni kaayyoo xiqqaadha. Kaayyoon inni guddaan immoo Jalala Rabbii argachuu fi jannata seenu yoo taâ€™ee badiin/cubbuun kayyoo guddaa kana nama dhabsiisa, adabbiif nama saaxila. Sababa cubbuutin sammuu ni jeeqamti, ni dhamaati, qalbiin tasgabbi dhabdi. Sababa hojii gaggaari hojjachuutin sammuu ni banamti. Walumagaalatti Imaanni sammuu bana, qalbii ibsa, jireenya miâ€™eessa. Nama dukkana jireenya dhandhame ergasii miâ€™aa imaana dhandhametu firii fi buâ€™aale imaana beekaa. Rabbiin imaana keenya nuu haa dabaluu.

Namoota birootin wal bira of qabuun, gammachuu fi nageenya hin dhabin. Wanta qabdu ilaali. Telefoonota guyyaa guyyaan haarawa bahan harka namootati ilaalun, dharraâ€™u fi bituuf of hin dhiphisin. Namootan wal qixxaaâ€™u qaba jette idaa hin dandeenye ofirratti hin feâ€™in. Akkataa mataa keetitii fi dandeetti keetti jiraadhu. Namoonni maal naan jedhan jette of shakkaa kan jiraattu yoo taate dhiphinnaa keessaa hin baatu. Namoota hundaa tokkoon tokkoon gammachisuuf of dhiphista. Jiraadhu jireenya mataa keeti. Wanta qabduuf Rabbiin galateefadhu, itti gammadi.

Wanta akkam badaa fi fokkuudha Rabbitti waa qindeessun(shirkii raawwachuun)! Osoo Rabbiin wanta isaan barbaadan hundaa kennuuf, â€™Ilma qabaâ€™ jedhani arrabsu, Isaan ala wanta biraa gabbaru. Dhugumatti kufriin cubbuu hundaa caalaa hamaa, jibbisiisaa fi uumama namaa sirrii diiga. Ibbida jahannamatti nama geessa. Wanta hanga shirkii kosii fi badaa hin jiru. Rabbiin badii kanarraa nu haa tiiksu.

Bidiruu jijjiramaa yommuu yaabbattu, bubbleen cimaan bidiruu tee galaana jala dabarsuu heduu si muudatu dandaâ€™a. Kanaafu bubbleen kuni bidiruun tee galaana jala akka dabartuf sababa hin taâ€™in. Kana irraa gara funduraatti bidiruu tee kan oofu haa taâ€™u. Gargaarsa Rabbiirraa kadhu. Adda kee bubblee kana ofirraa deebisu hin dandeessuti.

Jireenyi tana fakkaatti. Yeroo tokko tokko qormaanni sidaaqsu fi hurgufu dandaâ€™u si qunnama akkuma bidiraa galaana irraa bubbeen cimaan qunnamu dandaâ€™u. Qormaata kana darbuuf hanga dandeessu carraaqi. Gargaarsaf Rabbiitti warwaadhu, gara Rabbii deebiâ€™i (towbaa godhii).

Qabeenya caalaa imaana keetif dhiphadhu. Rabbiin nama jaallatu fi hin jaalanne yoo fedhe qabeenya ni kenna. Garuu Imaana nama Inni jaallatu qofaa kenna. Imaanni kee akka si jala hin banne fi harka qullaa addunyaa keesaa akka hin baane sodaadhu. Abdii fi sodaan kee madaalamaa haa taâ€™an.

Furtuwwan milkaa’inna fi gammachuu kanniin armaan gadiiti. Yommuu Qur’aana qaraatu furtuwwan kanniin fi kan kana fakkaatan irratti xinxalli.

âˆš Haqaan Amanuu
 âˆš Taqwaa (sodaa Rabbii)
 âˆš Rabbii fi Ergamaa Isaati (SAW) ajajamu
 âˆš Sabrii fi salaata
 âˆš Hojiiwwan gaggaari dalagu
 âˆš Tawakkula (Rabbirratti hirkachuu)
 âˆš Iklaasa (hojii tokko Rabbiif qulqulleessu)
 âˆš Rabbiif galata galchuu (shukrii)
 âˆš Wanta qabanitti quufu
 âˆš Du’aayi
 âˆš zikrii (yaadanno Rabbii)
 âˆš Tawbaa (gara Rabbii deebiâ€™u) fi araarama kadhachuu
 âˆš Beekumsa
 âˆš Badii irraa fagaachu
 âˆš Qulqullummaa (naamusa fi kabaja ofii eegu)
 âˆš Dubbii jibbisiisa fi hin fayyanne (lagw) irraa garagaluu
 âˆš Karaa Rabbii irratti qabsaa’u
 âˆš warraaf tola oolu
 âˆš sadaqaa kennu
 âˆš qalbii ofii qulqulleessu fi kkf

Kufaati, dhama’iinsa, gammachuu dhabuu, cinqii, gadda, abdii kutuu fi kan kana fakkaataniif bu’uura kan ta’an kanneen armaan gadiiti:

âˆš Kufrii, shirkii
 âˆš Nifaaqa
 âˆš Boonu (kibr)
 âˆš Rabbii fi Ergamtoota Isaatif ajajamuu diduu
 âˆš Rabbiin sodaachu dhiisu
 âˆš Daangaa Darbuu fi cunqursaa
 âˆš Obsa dhabuu
 âˆš Salaata dhiisu

âˆš Sheyxaana fi fedhii duwwaa hordofuu
 âˆš Zikrii (Yaadannoo) Rabbii irraa garagalu keessummaayyu Qurâ€™aana
 âˆš Galata galchuu dhiisu
 âˆš Cubbuu keessatti lixuu
 âˆš Wallaalummaa (Jaahiliyyaa)
 âˆš Doyâ€™a taâ€™uu
 âˆš Jireenya aakiraa caalaa jireenya addunyaa filachuu
 âˆš Ribaa (dhala) nyaachu fi kkf
 Yommuu Qurâ€™aana qaraatu buâ€™uuraale kufaati kana fi kan kana fakkaatan irratti
 xinxalli.

Dheerinna karaa keetiti miti buâ€™aa gahuumsa keeti ilaali. Imalli jireenya dheeradha jette kaayyoo keetirraa duubatti hin deebiâ€™in.

Akkuma waaâ€™ee kee ilaalchise haala badaa yommuu kaâ€™u jibbitu, namoota biraas waaâ€™ee isaani ilaalchise haala badaa kaasu jibbi. Fakkeenyaaf, namni tokko â€™Inni/ishiin nama jallataadha, dhiira/dubartii waliin akkana taâ€™a/taatiâ€™• yommuu jedhe si hamatu akkuma jibbitu, atille namoota biroo akka armaan olii jette hamachuu jibbi. Arraba ofii loggomuun furmaata akkam bareedu yommuu wanta dubbatan keessa buâ€™aan hin jirre!

Addunyaan tuni bakka milkaaâ€™inna yookiin kufaati itti bittuudha. â€™Milkaaâ€™inna bitadhu osoo gabayaan jirtuu, meeshan isaa rakasaa fi salphatti kan argamu taâ€™ee osoo jiru.â€™ Guyyaan ni dhufa kan gabayaan cufamtu, meeshan isaa kan hin argamne. Suni Guyyaa Murtiiti. Kanaafu hojii gaariitti fiigun milkaaâ€™inna boruu bitadhu. Yeroon kee gabaabadha carraa keetti fayyadami.

Namni dogongora kee argee si gorsuuf carraaqu waan gaarii guddaa siif hojjate. Kanaafu gorsa irraa fudhuu, dogongora kee sirreessuf carraaqi. Gorsa nama sanii fudhachuun sitti ulfaatu fi of tuulun sitti dhagahamu dandaâ€™a. Garuu dogongorri kee feâ€™aa guddaa sitti taâ€™a, gatii baayâ€™ee si kafalchiisa. Harâ€™a homaa sitti fakkaachu dhiisu dandaâ€™a garuu guyyaa tokko garmalee gaabbita. Yeroon erga dhumateen booda gaabbin maal fayyada ree?

Rabbiin nama fedhe qajeelche qulqulleessa. Kanaafu Rabbiin qajeelummaa fi qulqullinnaaf kadhaddhu. Jedhi â€™Yaa Rabbii daandii haqaatti nu qajeelchi, qalbii teenya qulqulleessi.â€™

Namoota hundumatti gammachuu fi milkaaâ€™inna kee ibsuun gaarii miti. Gariin nama yommuu ati gammachuu fi milkaaâ€™inna kee itti ibsattu si waayyun karaa duubatti si harkisuun barbaada, waxmadii adda addaa si funduratti xamada. Guyyaa tokko osoo hin beekini fi hin argin itti tarta. Kanaafu nama gammachuu fi milkaaâ€™inna kee itti ibsattu laalladhu.

Amaloota gaarii keessaa tokko dubbii fi mormii faaydi hin qabne, buâ€™aa hin buusne fi duwwaa taâ€™an irraa garagaluudha. Bakka kanaa yeroo qaalii ofii hojii gaarii gara sadarkaa olâ€™aanutti ol nama kaastu hojjachuuf itti fayyadamuudha.

Jireenyi kee kan darbee yookaa si kolfiisisa yookaa si boochisa. Kanaafu jireenya kee kan darbe ilaalun, jireenya harâ€™a kee ijaari. Yoo jireenyi darbee kee milkaa’â€™innaan guuttame Rabbii galata galchi, milkaa’â€™inna kee akka siif ol guddisu. Garuu jireenyi darbee kee yoo wanta fafee fi badaa guuttame, abdii hin kutin. Rahmanni Rabbii badii ati raawwatte caala. Araarama kadhu, towbaa dhugaa towbadhu. Jireenya kee irra deebi’â€™i ijaari. Boqonnaa haarawa jireenya keeti bani. Eeti jireenya kee keessatti dogongora si barsiisu danda’â€™u raawwachu dandeessa. Dogongora kee irraa baradhu gara funduraa tarkaanfadhu. Tattaafi fi dogongora keessa milkoofa.

Akkuma namoota kadhachuu irraa of qabduu fi wanta qabdutti gammadduun akkasuma Rabbiin qabeenya kee barakachiisa, quufa fi sooressa si godha Insha Allah. Kanaafu wanta qabdutti gammadi Rabbii galata galchi, quufa fi sooressa ni taatati. Sooressa jechuun qabeenya baay’â€™ee qabaachu qofa osoo hin ta’â€™in wanta qabanitti quufudha, haafa’â€™u dhiisudha. Meeqatu qabeenya baay’â€™ee qaba garuu hin quufu, wanti qabu isa hin gahu. Yeroo hundaa isaaf hiyyummaadha quufu dhabuu isaatirraa kan ka’â€™e. Namoota baay’â€™ee argina osoo qabeenyaf haafayanu wanta qabanu dhaban, kasaaratti seenan. Qabeenyi isaani barakaa hin qabdu. Kanaafu qabeenya namoota biroo dharra’â€™uun hin haafa’â€™in. Gargaarsaf Rabbiin kadhu. Dhugumatti Inni Al-Mughni (Sooressa kan nama taasisu), Ar-Razzaaq (Kan nama nyaachisu fi obaasu). Garuu ilmi nama hiyyeessa fi dadhabaadha. Namoota biroo sooreessa gochuu dhiisi mataa ofiitu sooressa gochuu hin danda’â€™u yoo Rabbiin sooressa isa hin taasisin. Yoo nama kadhate yookaa ni argatta yookaa ni dhabda. Gadii aantummaan sitti dhagahama. Garuu Rabbiin yommuu kadhattu kabajaa fi tasgabbii sitti dhagahama.

Arraba kee waan badaa fi hin barbaachisne dubbachuu irraa qabnaan ati haala gaarii fi nageenya keessa jirta.

Date Created

September 29, 2016

Author

admin